



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorum Omnium Generalium Et Provincialium Collectio Regia**

Ab anno MCCCCXLVII. ad annum MDXXVII.

**Parisiis, 1644**

Constitutiones Reverendissimi In Christo patris ac domini Alphonsi Carrillo  
archiepiscopi Toletani, editae in prouinciali Concilio per eum in oppido de  
Aranda cum suis suffraganeis celebrato.

**urn:nbn:de:hbz:466:1-15644**

ANNO  
CHRISTI  
1473. SEXTVS TOLETANVM. FRIDERICVS III. IMP.  
P. IV. HENRICVS IV. R. CASTELLÆ. 31

CONSTITUTIONES REVERENDISSIMI IN  
*Chriſto patris ac domini Alphonſi Carrillo archiepifcopi To-  
letani, editæ in prouinciali Concilio per eum in oppido de A-  
randa cum suis suffraganeis celebrato.*

P R Æ F A T I O.

**Q**VONIAM a nascentis origine mundi ea ipſa humana conditio decliuad malum fuisse dignoscitur, lex id eo prodita est, quæ mortalium deuios motus sua virtute reprimeret, ipsosque ſuo dirigeret conditori. Sed quia adhuc ipſa nouas ſemper conatur edere formas, quibus quæque sanctio etiam maturo digesta confilio non ſufficit prouidere, ex quo morum ſubuerſio in clero & populo frequenter obrepit, fuisse noſcitur ſaluberrima ſuperiorum auctoritas, quæ nouarum promulgationibus legum mortalium nouis machinationibus in dies occurrat, ac prouidi cultoris ſarculo extirpet vitia, virtutes inſerat, moresque reformet. Hoc ſane calitus edocti intuentes Canonum conditores, prouide decreuerunt, facroſancta ipſa prouincialia Concilia per metropolitanos antiftites cum eorum ſuffraganeis annis ſingulis celebra. Sed, proh dolor, generis inimicus humani tot calamitatum pressuris, totque turbationibus & ærumnis vniuersam repleuit Hispaniam, vt tam pium sanctum que opus efficere, ac longiſſimis citra temporibus anteriores nostris, & nobis penitus fit adempta facultas, ita vt eadem ſacra Concilia, illorumque auctoritates pene obducere videatur obliuio in ecclesiæ iacturam non modicam & fidelium animarum. Nunc ergo nos, quem licet immeritum in patriarchali Toletana ſede, ac in vniuersis Hispaniarum prouinciis diuina dignatio prætulit in primatem, ampliſſima ipſa ſolicitudinis pars humeris nostris imposta, qua nedum ſuper ſuas oues, ſed ſuper illarum pastores ab ipſo Domino, cuius iudicia imperſcrutabilia ſunt, nos confſipimus constitutum. Sæpenumero pulsauit cor nostrum inter huius mundi pressuras, quibus pro tuenda iuſtitia & republica dirigenda temporum cauſante malitia incessanter vrgemur, id modicum otii, quo negotiorum moles nos respirare concedit, Altissimo dedicare, vt in eius vineæ cultura, præſertim circa

præmissa, totum id quod sit possibile peragamus, in ipso non ab re fiduciam obtinentes, qui etiam in mediis fluctibus, quemadmodum est pollicitus, sponsam suam non deseret prædilectam; dissidiorumque veribus ac vitiorum tribulis amputatis, fructus dulcis subscendet: quo in consortio illorum, quorum vices gerimus, fruamur in excel- sis. Hæc igitur, redemptoris nostri postulato suffragio, effectui mancipantes, Nos Alphonsus Carrillo miseratione diuina archiepiscopus Toletanus, Hispaniarum primas, ac regnorum Castellæ maior cancellarius, reuerendos in Christo patres dominos episcopos comprouinciales & suffraganeos nostros, ac nostrum & eorum capitula, illorumque venerabiles procuratores ad oppidum hoc de Aranda nostræ prouinciæ & Oxomensis dicœsis, per nostras patentes literas fecimus conuocari, & una cum eisdem suffraganeis, ac in suorum capitulorum præsentia prædictorum, super morum reformatio[n]e, aliisque Dei cultum & salutem tangentibus animarum, & Concilium prouinciale deliberauimus celebrare. In eo constitutiones edidimus infra scriptas, die videlicet quinta mensis Decembri de anno Domini 1473. quo die Concilium præfatum extitit terminatum.

## C A P I T V L A .

### I.

**C**ANDOR æternæ lucis Christus Iesus, qui ecclesiā suā nouā semper prole fecundat, sanctorum patrum & antistitūm corda splendo-re suæ gratiæ clementer illustrauit: eosque in domo Domini ideo diuina potestas ceteris præferre ab alto decreuit, vt ab eis salutaria prodeant statuta, quibus velut vberrimis fontibus tota terra irrigata redemptori nostro reddat fructum suum. Quia vero sacrorum Canonum institutis fancitum nouimus ab antiquo, per metropolitanos antistites cum suis suffraganeis prouincialia

lia

ANNO  
CHRISTI  
1473.

lia Concilia annis singulis debere celebrari: nos pari ratione sacro approbante Concilio statuimus, vt iidem metropolitani cum suffraganeis suis, per se vel per alios, quatenus de iure conceditur, ipsis legitime impeditis, Concilium prouinciale loco & tempore opportunis saltem in biennio, & episcopi nostri in suis diœcesibus synodale annuatim celebrent: & si hoc negligenter omiserint, tamdu ab ingressu ecclesiæ sint suspensi, donec negligentiam suam archiepiscopus prouincialia, & episcopi synodalia Concilia celebrando purgauerint: adiicientes, quod episcopi qui vocati per metropolitanum ad eadem Concilia venire neglexerint, nisi canonicō, euidenti & ineuitabili impedimento fuerint præpediti, eo ipso similiter ab ingressu ecclesiæ per tres menses sint suspensi: & nihilo minus sic impediti, vt præmittitur, procuratores suos sufficiētes & instructos ad ea quæ in Concilio expedienda erunt, & cum quibus de impedimento huiusmodi fidem & probationem indubiam faciant, mittere teneantur: alias ipso facto eamdem suspensionem & ducentorum florenorum pœnam incurrant, expensis Concilii applicandam.

II.

Arma militiæ nostræ aduersus spirituales nequitias maxime consistunt in fide. Hæc enim lapis angularis est, & fundamentum totius nostri operis. Ideoque volentes æternam salutem adipisci, oportet de fide & moribus esse eruditum. Quapropter vniuersis ac singulis parochialium ecclesiarum rectoribus per nostram prouin-

Concil. Tom. 34

E

ciam vñlibet constitutis sacro approbante Conci-  
lio præcipimus , vt de cetero habeant in scriptis  
articulos fidei & præcepta decalogi, ecclesiæ sa-  
cramenta , species vitiorum & virtutum ; & die-  
bus Dominicis a septuagesima vsque ad Domi-  
nicam in passione exclusiue , solenniter in suis ec-  
clesiis publicent ipsa , & publicari faciant. Clerici  
vero contrarium facientes , duorum regalium pro  
qualibet Dominica quam prætermiserint , pœ-  
nam incurant , medietatem huius poenæ sequen-  
ti Concilio , medietatem vero fabricæ illius ec-  
clesiæ in qua publicatio debuisset fieri , irremissi-  
biliter applicandam.

III.

Agri dominici cultura non est indignis ope-  
rariis committenda , sed illi dumtaxat conducen-  
di sunt in domo Domini , qui secundum Apo-  
stolum sciant quæ sit longitudo , latitudo , su-  
blimitas & profundum , & inter lepram & non  
lepram discernere nouerint. Ideoque sacro ap-  
probante Concio statuimus , nullum ad sacros  
ordines de cetero promouendum , nisi sciat lati-  
naliter loqui. Quia tamen plerumque contingit ob  
defectum , negligentiam vel dolum eorum qui-  
bus ab episcopis ordinum examinatio commit-  
titur , quod indocti & omnino ignari , tam iuris  
dispositione quam earumdem constitutionum te-  
nore , aliasque indigni ut digni & idonei prædictis  
episcopis præsentantur , sicque per eos ad sacros  
ordines promouentur. Nos religionis nostræ ady-  
tum peruigili cura custodire volentes , episcopos

SIXTUS TOLETANVM. FRIDERICVS III. IMP.  
P. IV. HENRICVS IV. R. CASTELLÆ. 35

ANNO CHRISTI 1475. per viscera misericordiæ Domini nostri Iesu Christi hortamur , & in virtute obedientiæ monemus, quatenus si prædictorum ordinum celebrationi , & promouendorum ad sacros ordines examini personaliter non adfuerint, duos saltem viros idoneos scientia & moribus approbatos deputent, quibus officium examinationis pariter committant, iniungendo eisdem sub excommunicationis pœna , vt onus hoc sibi creditum fideliter exequantur , nec quidquam dolo, prece , negligentia , munere , vel alias indebite agant. Prælati autem sacram ordinem per seipso contra prædictam prohibitionem \* non scientes loqui latinaliter conferentes , præter pœnas a iure statutas, a quorumcumque sacrorum ordinum, quos tali contulerint , ipsumque indigne promotum ab executione suscepti ordinis : examinatores vero in præmissis culpabiles ab officio & beneficio per annum nouerint se suspensos , nisi ex causa rationabili & multum necessaria , vt in dicta constitutione continetur , cum eisdem promotis prælati viderint dispensandum.

IV.

Vt non vituperetur ministerium nostrum , melius est in domum Dei paucos ministros idoneos adire , quam plures & indignos. Quoniam autem plerumque contingit , vt clerici aliarum diœcesium excommunicati , quidam suspensi , vel interdicti , seu alias inhabiles , propriam patriam deserentes , in nostras se transferant regiones , ibique incogniti diuina officia celebrare nitantur:

Concil. Tom. 34.

E ij

Nos fidelium saluti animarum , vbi maius vertitur periculum , consulere volentes , vniuersis ac singulis archiepiscopis , vicariis , rectoribus , capellanis , clericisque curatis & non curatis per nostram prouinciam vbiliter constitutis , nostro approbante Concilio præcipimus , ne de cetero huiusmodi clericos ad sanctæ matris ecclesiæ sacramentorum administrationem recipient , aut in suis ecclesiis ministrare permittant , nostra vel episcoporum , in quorum diœcesi moram traxerint , non obtenta atque edocta commendationis licentia . Si vero secus fecerint , triginta regalium pœnam eo ipso incurrant , dimidium fabricæ suarum ecclesiarum , dimidium vero pro expensis futuri sequentis Concilii applicandum .

V.

Gloriosum sacrosanctæ ecclesiæ corpus ab æterna Dei Patris prouidentia admirabiliter ordinatum , nullam iure in se deformitatem continere debet . Nos vero qui prælationis infula , licet immeriti , nutu diuino altius euecti sumus , tanto honestatis & vitæ fama inter alios prælucere tenemur , velut sidera in firmamento cæli , quanto maiora sumpsimus de manu Domini , quatenus & membra per bona opera suo capiti corpondeant . Quia igitur per exteriorem habitum , qui qualisve interior prælatorum ornatus esse debeat , significatur , prædecessorum nostrorum hortamenta sestantes statuimus , sacro approbante Concilio , vt archiepiscopi & episcopi veste linea superiori , vulgariter roqueto nuncupata , in

ANNO CHRISTI 1473. publico semper vtantur. Sericas vero vestes qualescumque, aut breuitate notandas, nec non sotulares albos ipsis præsentium tenore prohibemus. Contrarium vero facientes viginti florenorum aureorum pœnam qualibet vice ipso facto incurvant, dimidietatem ipsius pœnæ fabricæ ipsarum ecclesiarum, dimidietatem vero pro expensis Concilii sequentis irremissibiliter applicandam. In mensa vero prælatorum omnimoda seruetur honestas, & sacræ scripturæ legantur, ita videlicet, ut fauces sumant cibum, & aures esuriant verbum Dei.

V I.

Ceterum ne clerici postquam in sacris ordinibus fuerint constituti, aut beneficiati extiterint, sericum, præterquam ab interiori sutura chlamydias aut capuciorum, quæ vulgariter forratæ appellantur, nec rubeas seu claras virides vestes induere, aut caligas eiusdem coloris, seu sotulares albos, vel borsegnes albos vel rubeos, nisi cum nigris desuper sotularibus dumtaxat calciare de cetero præsumant, sacro approbante Concilio præsentis constitutionis tenore prohibemus. Clerici autem contrarium facientes, si in metropolitana aut cathedralibus ecclesiis beneficiati fuerint, per decem dies qualibet vice eo ipso portione sua multentur. Alii vero clerici extra prædictas ecclesiæ beneficiati duorum florenorum pœnam qualibet vice irremissibilem incurvant, dimidietatem fabricæ illius ecclesiæ in qua beneficiati existunt, dimidietatem vero pro teste synodali hoc exequente applicantes. Si tamen beneficiati non fuerint, vnius

38 SIXTUS P. IV. CONCILIVM FRIDERICVS III. IMP.  
HENRICVS IV. R. CASTELLÆ.

floreni pro teste prædicto pœna puniantur. Decani nihilo minus & alii ad quos id pertinet , si multationem prædictam remiserint quoquo modo , ipso facto a diuinis per mensem qualibet vice nouerint se suspensos.

ANNO  
CHRISTI  
1473.

VII.

Cælestis hierarchiæ rex , qui sua mundum inef fabili prouidentia plasmauit , ita quidem actus nostros in beneplacito suo direxit sanctæ maiestatis , vt & laboris & requiei dies non immerito destinaret. In illis enim Dei populus in sudore vultus sui vesceretur pane suo , in his fatiscentia membra a seruili opere detracta , Deo offerre curaret. Eapropter nos prædecessorum nostrorum vestigiis inhærentes , sacro approbante Concilio , diebus Dominicis & festiuis ab omni seruili opere fideles quiescere iubemus : nec liceat cuiquam rusticalia seu artificialia opera exercere , aut agros colere , nisi urgente necessitate , vel euidenti pietatis causa , & hoc de licentia sui sacerdotis. Infideles vero præfatis diebus officiis suis publice non vtantur. Contrarium vero facientes , per iudices , officiales , vel alios ad quos spectat , legitime puniantur. Qui si negligentes in hoc fuerint , grauiter puniantur : si vero dolo vel precio contrarium permiserint , ipso facto sententiam excommunicationis incurant.

VIII.

Locus ob-  
scurus.

Quamvis omnis gloria \* aspira , cum ad æternam salutem abintus esse debeat , verum quia militamus illi , cum quo omnis pulcritudo agri est , vilibus vestibus vti non debemus. Absurdum ergo &

ANNO CHRISTI 1473. reprehensibilem quorumdam clericorum abusum,  
qui lugubres & luctuosas vestes induunt, & flebiliores quam suæ congruit honestati, ex eo se redidunt, quia parentes consanguineique eorum & amici corruptibilem carnis nostræ molem depONENTES, ad æternam patriam de præsentis exilii miseria conuolarunt, penitus abolere volentes; cum & secundum sententiam ore benedicto prolatam, qui credit in Christum, etiam si mortuus fuerit, *Iacob. ii.* viuet: præsentis constitutionis serie, sacro approbante Concilio statuimus, ut ulterius luctuosas vestes induere clericis in sacris ordinibus constitutis vel beneficiatis nostræ prouinciae non audeant. Contrarium vero facientes eo ipso a perceptione frumentorum suorum beneficiorum per tres menses qualibet vice sint suspensi, \* medietatem predicatorum fructuum pro expensis sequentis Concilii, medietatem vero pro teste synodali eos accusante applicandam. Episcopi autem & alii prelati præmissa obseruare teneantur: & si contra fecerint, viginti florenorum poenam pro qualibet vice eo ipso incurant Concilio sequenti applicandam.

I X.

Tristissimo impellimur animo recensere turpis conditionis fœdissimum scelus, quo & clericis in conspectu populi contemptibles redduntur, iramque diuinæ ultionis sibi thesaurizant, & reuerendissimum illud serenissimumque Christi corpus omnem mundi pulcritudinem excellens, sacerdos pollutis manibus (proh pudor) tractare non formidat, dicente Domino: *Discedite a me* *Psalms. 6.*

I*fai.* §1. omnes qui operamini iniquitatem. Et alibi: *Munda-*

ANNO  
CHRISTI  
1473.

*mini qui fertis vasa Dei.* Ideoque prædecessorum nostrorum vestigiis inhærentes , sacro approbante Concilio statuimus , ut quicumque clerici in sacris ordinibus constituti , seu beneficiati , si post duos menses postquam super hoc moniti aut requisiti fuerint nominatim , concubinam seu concubinas publice tenuerint , vel dimissam seu aliam ad miserint ; si beneficiati existant , tertia parte fructuum beneficiorum omnium quæ pro illo tempore obtinuerint , ipso factō penitus sint priuati. Si vero per alios duos menses , duos prædictos immediate sequentes , in eodem crimine continuauerint vitam foedam , alia tertia parte fructuum nouerint se priuatos. *Quod si forte , Dei timore contempto , per alios duos menses post quatuor partes immediate sequentes in peccato perfiterint memorato , reliqua tertia parte fructuum ipsos priuamus omnimode.* Antedictas vero partes fructuum , & ipsarum quamlibet in cathedralibus & collegiatis ecclesiis , quoad bona quæ de communione mensa fuerint , ad communem mensam capituli , aliæ vero pro expensis sequentis Concilii : & in parochialibus ecclesiis medietatem fabricæ earum , alteram vero medietatem prædicto Concilio applicandam. *Quod si forte nec adhuc ad cor redierint , sed præsens nostrum contemnentes mandatum , se ostenderint tam execrandæ turpitudinis amatores , suis prælatis prædictis & ipsorum cuiilibet in virtute sanctæ obedientiæ & sub animarum suarum periculo districte præcipimus &*

manda-

SIXTVS TOLETANVM. FRIDERICVS III. IMP.  
P. IV. HENRICVS IV. R. CASTELLÆ. 41

ANNO CHRISTI  
1473. mandamus , quod infra quatuor menses a supradi-  
ctis sex mensibus numerandos , transgressores præ-  
dictos qui concubinas non dimiserint , easdem ul-  
terius non admissuri , nec aliam aliquam recepturi ,  
omnino beneficiis suis priuent , ipsosque in limo  
peccatorum tamdiu fixos , donec se correxerint , &  
postea per quinque menses inhabiles esse denun-  
tient ad superiores ordines & ad quæcumque ec-  
clesiastica beneficia obtinenda. Volumus etiam ,  
quod si quis de prædictis , postquam beneficio seu  
beneficiis priuatus fuerit modo prædicto , manus  
rapaces ad dictorum beneficiorum fructus , seu ad  
aliquam eius partem\* , incurrit excommunicatio-  
nis sententiam ipso facto , a qua non possint absolu-  
ui , nisi de sic occupatis restitutione integra , & be-  
neficiorum quibus priuati fuerint , ut præmittitur ,  
dimissione plenaria , prius factis. Verum quia pec-  
cata inulta non vult dimittere Dominus ultionum ,  
statuimus dicto approbante Concilio , quod cle-  
rici non beneficiati , tam sacerdotes quam diaconi  
& subdiaconi , seu inferiores clerici , qui non eru-  
bescunt concubinas publice detinere , si sacerdos  
fuerit , capellaniam perpetuam vel temporalem te-  
nere vel habere non possit , & usque ad unum an-  
num , postquam se de prædicto peccato plene cor-  
rexerit , ad obtainendum ecclesiasticum beneficium  
sit inhabilis & indignus. Diaconi & subdiaconi  
ac minores clerici usque ad annum post correctio-  
nem iam dictam sint ad superiores ordines inhabi-  
les , & ad quæcumque beneficia ecclesiastica obti-  
nendum. Si vero adhuc incorrigibiles extiterint ,

Concil. Tom. 34.

F

procedatur per alia iuris remedia contra ipsos. Et ANNO CHRISTI  
1473. quia maiori culpæ iusto Dei iudicio maior debetur & pœna, statuimus, ut quicumque in tam profundum peccatorum deuenerint, quod publice concubinam seu concubinas detineant infideles, aut moniales, si beneficiati fuerint, per duos menses a die publicationis huius constitutionis in cathedralibus ecclesiis faciendæ ipso facto priuati sint beneficiis obtentis, cuiuscumque conditionis beneficia ipsa existant, & reddantur inhabiles ad beneficia quæcumque obtainenda. Si vero beneficiati non fuerint, ad suscipiendos sacros ordines & ad obtainenda beneficia sint penitus inhabiles & indigni, ac tam beneficiati, quam non beneficiati, qui eas sic detinere præsumperint, per suos prælatos per biennium ad minus in carcere detrudantur, quibus per dioecesanos pœnæ graues aliæ, prout discretioni suæ videbitur, imponantur. Si tamen hi clerici ad cor redeuntes vere pœnituerint de peccato, concedimus quod ipsorum dioecesani cum eis post biennium dumtaxat a sua correctione numerandum possint, quoad ordines & simplicia beneficia, misericorditer dispensare. Volumus insuper & mandamus, quatenus prælati omnes & singuli in suis dioecesibus per viros probos & timentes Deum diligenter inquisitionem, quotiens expedire viderint, faciant; qui, quot, quales, & ubi fuerint præmissa crimina committentes; atque ad pœnas suprapositas in ipsos exequendas insurgant viriliter, ut domus Dei strenui zelatores; & tam ipsi clerici in publico concubi-

ANNO CHRISTI 1473 natu decedentes, quam ipsæ concubinæ, ecclesiastica careant sepultura. Volumus insuper quod collatio cuiuscumque beneficii facta clerico, qui tempore collationis sibi factæ, aut super duos menses ante vel post fuit, est, aut fuerit publicus concubinarius, sit nulla; & quod collatores beneficiorum in literis collationum hoc apponi faciant expresse. Si tamen (quod Deus auertat) sacri episcopi, prælati concubinas publice tenuerint, tam diu a fructuum suarum dignitatum perceptione sint suspensi, donec eas realiter dimiserint.

X.

Cum in constitutione nostra quæ incipit, Agrí dominici, contineatur, nullum ad sacros ordines promouendum, nisi latinaliter sciat loqui, id etiam summa obseruantia cauendum est in collationibus parochialium ecclesiarum. Nam cum ars artium sit regimen animarum, pari ratione sacro approbante Concilio statuimus, nullum de parochiali ecclesia debere prouideri, nisi saltem latinaliter sciat loqui. Attendentes etiam, quod quanto crescent dona, tantum etiam rationes crescent donorum, eamdem constitutionem ad canonicos tam metropolitanarum, quam cathedralium nostræ prouinciæ ecclesiarum, & ad maiores post canonicatus earumdem ecclesiarum dignitates extendi tenore præsentium eodem approbante Concilio volumus & inhibemus, nisi ex causa multum euidenti & necessaria cum ipsis canonicis & dignitatibus prælati viderint dispensandum.

Concil. Tom. 34.

F ij

Cedit in opprobrium nostræ religionis, quod ministri ecclesiæ adeo vitam degere inhonestam non verentur, vt etiam otium amplectentes, in vilipendium sui ordinis se immisceant ludis dishonestis: ex quibus quanta periuria, scandala, homicidia & mala sequuntur, nemo sanæ mentis ignorat. Volentes ergo paterno consilio, vbi discordiarum materiam obrepere sentimus, dispendiis obuiare futuris, ludum taxillorum publice vel occulte vniuersis clericis in sacris ordinibus constitutis, siue etiam beneficiatis nostræ prouinciæ, sacro approbante Concilio prohibemus. Contrarium vero facientes triginta regalium qualibet vice pœnam incurvant, medietatem fabricæ suarum ecclesiarum, medietatem vero expensis sequentis Concilii applicandam.

X II.

Magna mentis amaritudine referimus, quod nonnulli nostræ prouinciæ clerici in presbyteratus ordine constituti, sacramentum eucharistiae, in quo spiritualis dulcedo in suo fonte gustatur, post suscepitum sacerdotalem ordinem, prout tenentur, in animarum suarum periculum & diuini cultus detrimentum, celebrare contemnunt. Ideo sacro approbante Concilio statuimus, vt clerici per nostram prouinciam constituti, cuiuscumque status, gradus, ordinis seu conditionis existant, postquam presbyteratus ordinem ascenderint, quater in anno Missam deuote per se saltem celebrent, nisi de consilio sui prælati duxerint absti-

ANNO CHRISTI  
1473. nendum. Contrarium vero facientes triginta regalium qualibet vice pœnam incurant, Concilio sequenti & synodali testi æqualiter applicandam. Hortamur præterea nostræ prouinciæ prælatos ob reuerentiam Iesu Christi, vt ter in anno ad minus celebrent. Si vero secus egerint, grauiter in sequenti Concilio arguantur.

XIII.

Prædicationis officium, quod animarum pabulum est spirituale, illis dumtaxat est commendandum, qui non ambitione temporalis substantiæ, sed animarum zelo intendant & profectui. Verum quia prælatorum (vt ita dicamus) incuria plures religiosi & clerici, ac alii nonnulli per ecclesiæ laxatis habenis discurrunt, & pleibus varia & ridiculosa exponunt, & gratias concedunt innumeræ pro exigua quantitate, quas nec immensa diuinæ largitatis clementia, nec sacra summi pontificis auctoritas consueuit erogare, in nostræ religionis vilipendium & fidelium periculum animarum: Nos hostiles calliditates & astutias in Domino præcludere cupientes, sacro approbante Concilio statuimus, ne de cetero quicumque prædicatores, tam religiosi quam sacerdotes, per nostram prouinciam gratia prædicationis officium exercendi discurrere audeant quomodo libet, nostra & episcoporum, in quorum diœcesi moram traxerint, non obtenta & edocta licentia. Quæstores vero qui sæpe non quæ Iesu Christi, sed quæ sua sunt quærunt, etsi bullas apostolicas, aut gratiarum concessiones afferant se habere, ni-

hilo minus teneantur eas diœcesano diuulgandas præsentare; qui postquam illas examinauerit, continentiam & veritatem ipsarum bullarum seu indulgentiarum plene deducatam per literas suas eisdem quæstoribus suis exhiberi curabit. Idemque quæstores sola lectione huiusmodi literarum per rectores ecclesiarum, vbi eos declinare contigerit, contenti, nihil aliud verbo tenus vel scriptis per se vel per alios proponere audeant, cum & prædicta instruqtio satis sufficiens sit ad fidelium animos pio operi inducendum. Prælati vero qui contra præsentis constitutionis tenorem prædicationis licentiam contulerint, per mensem ab ingressu ecclesiæ, & officiales seu vicarii eorumdem in præmissis delinquentes per annum ab officio ipso facto sint suspensi. Quæstores nihilo minus contrarium facientes per tres menses de mandato diœcesani in carcerem detrudantur, & sic ablata duplicata restituant, fabricæ ecclesiarum & cameræ & prælati æqualiter applicanda. Rectores præterea ecclesiarum id obseruare teneantur, & hanc nostram constitutionem in tabula patenti & præcedenti in suis ecclesiis teneant, ne quisquam ignorantiae præsidium sibi paret. Qui si secus egerint, triginta regalium poenam, ut præmittitur, diuidendam eo ipso incurant.

XIV.

Vt qui susceptæ suæ professionis habitum dignantur, priuilegiis gaudeant sibi concessis, nec nostri iuris auctoritas, nec ordo exigit rationis. Frustra namque auxilium legis inuocat, qui com-

SIXTVS TOLETANVM. FRIDERICVS III. IMP.  
P. IV. HENRICVS IV. R. CASTELLÆ. 47

<sup>ANNO  
CHRISTI  
1475.</sup> mittit in legem. Quia vero s̄epe contingit , vt cle-  
ri in minoribus constituti , tam coniugati quam  
non coniugati , prætextu suorum clericatum gra-  
uia & enormia committant , quæ in animarum  
suarum periculum & eiusdem ordinis opprobrium  
cedunt : Nos volentes cauere , ne fauore ecclesia-  
sticæ libertatis quidquam illicitum attentetur , quod  
vel diuinam offendat maiestatem , vel scandalum  
inducere possit , recolendæ memoriæ Petri de  
Luna cardinalis & legati vestigiis inhærentes , sacro  
approbante Concilio statuimus , vt de cetero præ-  
dicti clerici , tam coniugati quam non coniugati ,  
tonsuram quantitatis vnius regalis , & vestem su-  
periorem non virgatam neque partitam , ad me-  
diatatem tibiæ vel fere declinantem deferant con-  
gruentem . Non autem deferentes huiusmodi ha-  
bitum , si coniugati fuerint , eo ipso : si vero non  
coniugati , & excessiuis & enormibus se ingesse-  
rint , & ea frequentauerint , priuilegium omnino  
amittant clericale . Hortamur præterea vniuersos  
episcopos in virtute sanctæ obedientiæ , nostris-  
que & eorum officialibus , vicariis & loca tenenti-  
bus quibuscumque per nostram prouinciam vbili-  
bet constitutis , sub excommunicationis poena di-  
striete præter poenas a iure statutas præcipiendo  
mandamus , vt prædictos clericos criminaliter , vt  
præfertur , delinquentes , ad curiam ecclesiasticam  
propter priuilegium clericale per sacerdtales iudices  
remissos , debita animaduersione , prout qualitas  
exegerit , puniant & castigent ; impunitos vero  
non relaxent , absoluant , vel abire permittant . Pro-

motores vero & fiscales, qui ad accusandum huiusmodi clericos iura aut prælati monita præponunt, si malitiose ab accusando se subtraxerint vel negligenter fecerint, aut quidquam dolo omiserint, quo minus huiusmodi executio tolli seu impediri possit, saltem vel differri, eo ipso ab officio suo sint priuati, alias arbitrio superiorum puniendo. Prælati præterea nostræ prouinciae infra tres menses a die præsentis publicationis teneantur facere coram se præsentari literas minorum ordinum huiusmodi clericorum, nihil exigentes pro præsentatione ipsarum, præterquam vnum marabetinum pro notario, pro cuiuslibet tituli præsentatione.

X V.

Vt digne ambulemus in vocatione qua vocatis sumus, non solum morum & vitæ aliquos præcelere debemus honestate, sed etiam & ecclesiæ libertatem tueri debemus. Absurdum nempe & nostræ religioni dispar & incongruum videtur, vt regale genus sacerdotum, cum temporalibus dominis miliariter viuendo, in eorum seruitutem redigatur. Ideoque sacrorum patrum vestigiis inhærendo, nostro approbante Concilio hortamur vniuersos & singulos nostræ prouinciæ episcopos, ob reuarentiam & honorem suarum pontificalium dignitatum; ceterisque ecclesiæ in sacris ordinibus constitutis aut beneficiatis districte præcipimus, ne cum dominis sœcularibus, cuiuscumque gradus, status, ordinis seu conditionis existant, exceptis regia maiestate & regiis personis, vitam militarem ad auxilia armorum præstanta ducere audeant dissolu-

<sup>Anno  
Christi  
1473.</sup> dissolutam , seu ab eis terras , stipendia & salario  
vel pecunias quascumque, vt armis per se vel per a-  
lios deseruant, cum equitum seu peditum gentibus,  
quomodolibet exigere vel leuare præsumant. Qui  
si secus egerint , tam diu ab officio & beneficio sint  
suspensi , donec absque omni simulatione & fictio-  
ne a prædictis realiter cessauerint ; fructibus bene-  
ficiorum suorum medio tempore prouenientium  
Concilio sequenti applicandis.

XVI.

Cum secundum legitimas sanctiones non sit du-  
bium eos in legem committere, qui verba legis am-  
plexi , contra eius nituntur voluntatem : & quia  
tempore , quo sacrorum Canonum decretis nu-  
ptiarum celebratio interdicitur & carnalis copu-  
la prohibetur, nonnullos laicos nubere ac carna-  
liter commisceri , ac proinde conuiua publica,  
strepitus & choreas facere , parentes quoque &  
amicos inuitare , & cum histriionibus & ioculato-  
ribus solenniter nuptias celebrare , & ad ecclesias

<sup>f. incep-</sup>  
<sup>dere</sup> sic \* incidere plerumque contingit : Nos conten-  
dentes quod vera sacrorum Canonum intentio  
fuit , non tam ecclesiæ solennitates & nuptiales  
benedictiones, quam carnales commixtiones pro-  
hibere , perniciosa consuetudinem huiusmodi  
diuellere cupientes , sacro approbante Concilio,  
commixtiones prædictas , strepitus , choreas , io-  
culationes & alias solennitates ac conuiua , tem-  
poribus quibus solennia ecclesiæ interdicun-  
tur , & cessant nuptiales benedictiones , fieri de  
cetero prohibemus , statuentes , vt qui contra

Concil. Tom. 34.

G

huiusmodi nostræ constitutionis tenorem nupse-  
rit , ipso factō sententiam excommunicationis in-  
currat ; & nihilo minus clerici qui præfatis nuben-  
tibus Missas dixerint , decem florenorum poena  
puniantur. Hanc autem nostram constitutionem  
qualibet prima Dominica aduentus & quadragesi-  
mæ a rectoribus parochialium ecclesiarum in suis  
ecclesiis , dum populus ad diuina conuenerit , sub  
decem regalium poena , qualibet Dominica quam  
prætermiserint , publicari mandamus , prædictis  
poenis Concilio & synodali testi applicandis æ-  
qualiter.

XVII.

Vt iurgiorum materia & dubietatis occasio tol-  
latur , quæ nonnunquam ex clandestinis despon-  
sationibus solent euenire , sacrorum Canonum in-  
stitutis proinde noscitur institutum , sponsalia  
publice in facie ecclesiæ coram populo solenni-  
ter celebrari. Nos vero iuxta canonicas sanctio-  
nes , sacro approbante Concilio , desponsationes  
clandestinas huiusmodi vel occultas fieri omnino  
de cetero prohibemus , statuentes , vt qui spon-  
salia huiusmodi clandestina contrahere præsum-  
pferint , nisi ad minus quinque testes ibidem ad-  
fuerint , per quos , dum opus fuerit , sponsalia præ-  
dicta probentur , ipso factō excommunicationis  
sententiam incurant , & eisdem contrahentibus  
nuptiales benedictiones tamdiu denegentur , do-  
nec a sententia prædicta absolutionis beneficium  
assequantur. Clerici vero qui tali clandestinæ  
desponsationi interfuerint , præterquam si quin-

SIXTVS TOLETANVM. FRIDERICVS III. IMP.  
P. IV. HENRICVS IV. R. CASTELLÆ. 51

<sup>ANNO CHRISTI</sup> 1473 que testes adfuerint; aut sic desponsatis benedictiones contulerint nuptiales, eo ipso ab officio & beneficio per tres menses sint suspensi; mediata fructuum ipso tempore de beneficio seu beneficiis suis prouenientium fabricis ecclesiarum, mediatae vero expensis sequentis Concilii applicandis.

XVIII.

Quoniam nonnulli terrarum domini, & eorum locatenentes, nec non clerici & laici, aliquique inferioris fortunæ viri, veræ salutis immemores, ne dum suis contenti metis, manus suas extendere ad iniquitatem non formidant, ecclesias, Dei timore neglecto, ut possessiones beneficiorum pro tempore vacantium, seu vacare expectantium, obtineant, indebite occupant, detinent & incastellant, ipsaque possessiones more venalium rerum vendunt, & super ipsis indebite paciscuntur, ex quo plurima scandala, homicidia, & alia damna prodire sentimus, sed & diuina officia & ecclesiastica sacramenta impediuntur. Nos perniciem hanc corruptelam penitus delere volentes, sacro approbante Concilio statuimus, ne de cetero prædictas ecclesias quispiam, tam laici quam clerici, cuiuscumque status, gradus, ordinis seu conditionis existant, incastellare, munire, vel quisquis quaesito colore per se vel per alios, directe vel indirecte occupare, aut possessiones vendere vel emere, aut super ipsis illicite componere vel pacisci, vel de manu & posse incastellantium seu occupantium recipere præsumant. Contrarium vero

Concil. Tom. 34.

G ij

facientes, tam occupatores, incastellatores, venditores, illicitique compositores huiusmodi, etiam prætextu gratiarum expectatiuarum, & quarumlibet collationum, quam qui ipsis ad hoc auxilium, consilium vel fauorem dederint, vt præmittitur, sententiam excommunicationis & quinquaginta florenorum pœnam propter iniuriam ecclesiæ illatam quilibet ipsorum qualibet vice ipso facto incurant. In ecclesiis vero sic occupatis, durante occupatione huiusmodi, clerici sub eadem excommunicationis pœna cessent a diuinis. Acceptantes autem, vt præfertur, delinquentes ea vice iure, si quod habebant ad ipsa beneficia, sint ipso facto priuati. Demum si consilio, auxilio, mandato vel fauore dominorum temporalium quorumcumque, vel eorum loca tenentium, quocumque nomine censeantur, occupatio, incastellatio, munitio, venditio seu compositio huiusmodi fieri contingat, vltra sententias & pœnas iam dictas, terræ ipsorum tamdiu ecclesiastico supponantur interdicto, donec debita præcedente satisfactione, ab occupatione prædicta desistentes, & de pœnis prædictis aliasque satisfacientes, arbitrio prælati relaxentur: dimidietatem vero prædictorum florenorum cameræ nostræ & episcoporum, in quorum dioecesi prædicta fieri contigerit, dimidietatem vero expensis sequentis Concilii applicandam.

XIX.

Ab ecclesia, vbi redemptor noster Iesus, in cuius nomine omne genu flebitur, iugiter pro nobis im-

SIXTVS TOLETANVM. FRIDERICVS III. IMP.  
P. IV. HENRICVS IV. R. CASTELLÆ. 53

<sup>ANNO  
CHRISTI</sup> molatur, turpitudo quæque merito est abolenda.

<sup>1473</sup> Quia vero quædam tam in metropolitanis, quam in cathedralibus & aliis ecclesiis nostræ prouinciæ consuetudo inoleuit, vt videlicet in festis nativitatis Domini nostri Iesu Christi, & sanctorum Stephani, Ioannis & Innocentium, aliisque certis diebus festiuis, etiam in solennitatibus Missarum nouarum, dum diuina aguntur, ludi theatrales, laruæ, monstra, spectacula, nec non quamplurima inhonesta & diuersa figmenta in ecclesiis introducuntur; tumultuationes quoque & turpia carmina & derisorii sermones dicuntur, adeo quod diuinum officium impediunt, & populum reddunt indeuotum: Nos hanc corruptelam, sacro approbante Concilio, reuocantes, huiusmodi laruas, ludos, monstra, spectacula, figmenta & tumultuationes fieri; carmina quoque turpia & sermones illicitos dici tam in metropolitanis quam cathedralibus, ceterisque nostræ prouinciæ ecclesiis, dum diuina celebrantur, præsentium serie omnino prohibemus, statuentes nihilo minus, vt clerici qui præmissa ludibria & inhonesta figmenta officiis diuinis immiscuerint, aut immisceri permiserint, si in præfatis metropolitanis seu cathedralibus ecclesiis beneficiati extiterint, eo ipso per mensem portionibus suis mulctentur: si vero in parochialibus fuerint beneficiati, triginta; & si beneficiati non fuerint, quindecim regalium pœnam incurvant, fabricis ecclesiarum & testi synodali æqualiter applicandam. Per hoc tamen honestas repræsentationes & deuotas, quæ populum ad de-

G iiij

54 <sup>SIXTUS</sup>  
P. IV. CONCILIVM. FRIDERICVS III. IMP.  
HENRICVS IV. R. CASTELLÆ.

uotionem mouent , tam in præfatis diebus quam  
in aliis non intendimus prohibere.

ANNO  
CHRISTI  
1475.

XX.

Præterea , quoniam suadente pacis inimico &  
bellorum satore , qui vineam Domini exterminare  
nititur , lites & contentiones inter nonnullos lai-  
cos ac etiam clericos obrepere solent , per quas ad  
inuicem se defidant & bella aggrediuntur , ex il-  
lisque temere hinc inde certantium homicidia se-  
quuntur ; et si hæc ipsa duella de iure , aliasque re-  
giæ maiestatis prohibitione interdicta sint : Nos  
tamen animaduertentes , quod fratum in fratres  
exarsio in diuinæ maiestatis offendam & euidens  
vergitur periculum animarum ; sanctorum patrum  
vestigiis inhærentes , sacro approbante Concilio  
statuimus , vt qui in pugna , certamine , torne-  
mento huiusmodi deceaserint , aut a pugna vulne-  
rati euaserint , adeo quod postea ex eo ipso ab hac  
luce migrare contigerit , etiamsi ante obitum re-  
ceperint poenitentiæ sacramentum , ecclesiastica  
ipso factò careant sepultura , & diuina officia pro  
ipsis non dicantur , nec oblationes admittantur.  
Clerici vero eos sepelientes per sex menses ab offi-  
cio & beneficio sint suspensi , fructibus vero medio  
tempore prouenientibus a beneficiis huiusmodi  
fabricæ ecclesiarum suarum & Concilio sequenti  
æqualiter applicandis.

XXI.

Quoniam non sumus filii ancillæ , sed liberæ ,  
quia mater nostra Ierusalem libera est , & ab omni  
seruitute penitus exempta , libertatem nostram tue-

SIXTVS. TOLĒTANVM. FRIDERICVS III. IMP.  
P. IV. HENRICVS IV. R. CASTELLÆ. 55

ANNO CHRISTI 1473. ri tenemur. In quibusdam tamen terrarum partibus adeo quorumdam magnatum , potentum , procerum & dominorum temporalium vtriusque sexus , communitatum quoque , iustitiariorum & aliorum laicorum cupiditas excreuit , vt nedum quod redditus , decimæ , iura prælatis & clero debita non recuperentur , recipientur , arrendentur , exigantur & leuentur , diuersimode prohibent ; sed etiam bladi , annonæ , vini , olei , leguminum , armentorum , pecorum , pecudum & aliorum terræ fructuum , tam decimarum quam primitiarum tracturas , exitus , redditus , nec non transitus a loco in locum vetant & interdicunt in ecclesiasticæ libertatis derogationem , iacturam & detrimentum . Nos attentes , quod Domini est terra & plenitudo eius , & ipse in signum & recognitionem dominii de terræ frugibus decimas & primitias sibi pro suis ministris qui habitant in domo sua , integras reseruauit , & quod non licet laicos contra regis regum sanctionem decimas & primitias Christo dedicatas sibi ipsis vendicare , vel quomodolibet detinere : statuimus sacro approbante Conclio , ne de cetero magistri ordinum , duces , marchiones , comites , magnates , potentes , communites , vniuersitates , iustitiarii , castellani , officiales , rectores , laici vtriusque sexus , cuiuscumque status , gradus , ordinis , præminentiae vel conditionis existant , & quacumque præfulgeant dignitate , seu auctoritate fungantur , tractus , ductus , exitus , redditus , ingressus & regressus fructuum quorumcumque ad prædictas decimas & primitias

56 SIXTVS P. IV. CONCILIVM FRIDERICVS III. IMP.  
HENRICVS IV. R. CASTELLÆ.

spectantium de iure seu consuetudine , per se vel  
per alios , publice vel occulte , direc<sup>t</sup>e vel indirec<sup>t</sup>e , aut quoquis quæsito colore impediāt , seu im-  
pediri faciant , quo minus nos prælati nostræ pro-  
uinciæ , ecclesiæ , decani & capitula , & aliæ ecclesi-  
sticæ personæ , & fructuum prædictorum arren-  
datores , possint & valeant de ipsis libere vti & gau-  
dere . Contrarium vero facientes , si magistri , du-  
ces , marchiones & comites fuerint , & infra quin-  
decim dies , postquam eamdem prohibitionem  
fecerint , aut fieri iusserint , non reuocauerint , &  
libere fructus , decimas atque primitias , & alios ec-  
clesiasticos redditus huiusmodi ab eorum domi-  
niis & districtibus extrahi non permiserint , ex-  
communicationis sententiam ipso factō incurvant :  
eademque sententia ceteri inferiores prædicti in  
præmissis culpabiles etiam innoden<sup>t</sup>ur , si infra sex  
dies ab eadem publicatione , vt præmittitur , nu-  
merandos , reuocationem & liberam permissio-  
nem præfatis non fecerint realiter & cum effectu ,  
terræque ipsorum dominorum & magnatum , &  
loca vbi huiusmodi prohibitiones fieri contigerit ,  
tamdiu ecclesiastico subiaceant interdicto , donec  
a præmissis desistentes , & arbitrio prælati satisfa-  
cientes , beneficium absolutionis & interdicti re-  
laxationem obtainere mereantur .

XXII.

Raptores , quos diuinus timor a malo non reuo-  
cat , temporali saltem poena merito sunt puniendi .  
Ideoque sacro approbante Concilio statuimus ,  
vt tales scelerati quamdiu ab hac luce migrauerint ,  
eccl-

ANNO CHRISTI  
1473 ecclesiastica careant sepultura. Si vero fuerint se-  
pulti , exhumentur , etiamsi huiusmodi raptore  
ante obitum pœnitentiæ sacramentum receperint,  
& de rapinis satisfecerint : nec pro eis diuina di-  
cantur, aut oblationes admittantur. Adiicientes ni-  
hilo minus , quod famosi aut publici raptore vltra  
pœnas prædictas ipso iure sint intestabiles , nec ex  
testamento capere possint : filiique eorum sint in-  
habiles ad beneficia ecclesiastica obtainenda. Cle-  
ri vero hanc nostram constitutionem infringen-  
tes , quinque florenorum pœnam incurvant pro  
expensis Concilii , alias & superioris arbitrio pu-  
niendi.

XXIII.

Quia vna & eadem est sancta mater ecclesia ,  
statuimus sacro approbante Concilio , vt si super  
fractione , violatione aut derogatione libertatis seu  
immunitatis ecclesiæ , & bonorum immobilium ec-  
clesiarum occupatione , prælatus seu officiales vel  
vicarii aliquem excommunicauerint , & voluerint  
quod huiusmodi excommunicatio in aliis dioce-  
sibus obseruetur ; tunc episcopi qui per eum fue-  
rint requisiti , receptis literis suis , illas pro plena  
probatione quantum ad hoc habentes , nulla par-  
tis allegatione vel exceptione admissa , teneantur  
excommunicationem prædictam in suis dioce-  
sibus obseruare , & obseruari facere & publicari. Si  
tamen decreuerit ad interdictum procedere , qua-  
lecumque tale sit interdictum , & voluerit quod alii  
prælati illud obseruent , vtputa quia delinquens  
declinat ad eorum dioeceses , vel habet in eisdem

Concil. Tom. 34.

H

58 SIXTVS  
P. IV. CONCILIVM FRIDERICVS III. IMP.  
HENRICVS IV. R. CASTELLÆ.

ANNO  
CHRISTI  
1475.

terras, dominia, vel districtus, tunc prælatus vel iudex seu officialis teneantur mittere ad conuincinorem episcopum vel metropolitanum processum huiusmodi, suo & duorum peritorum nominibus roboratum, qui, constito sibi de legalitate processus, simpliciter & de plano, absque citatione seu audiencea partis, literas suas testimoniales exinde impendant. Quo facto, omnes prælati super hoc requisiiti teneantur interdicta huiusmodi in suis diœcesibus iuxta formam processus obseruare & obseruari facere.

XXIV.

Sanctorum patrum statuta proclamat, laicis disponendi de rebus ecclesiasticis nullam esse attributam potestatem, quos obsequendi manet necessitas, non auctoritas imperandi. In tantum tamen laicorum audacia inoleuit, quod in alienam messem falcem suam mittere non formident; taliaque presumunt, per quæ ecclesiastica violatur libertas. Nam ut efficax rerum mater experientia manifestat, nonnulli domini temporales, iustitiae, rectores, ciuitates vel communitates banniunt & expellunt de ciuitatibus, villis & terris suis, & in quibus curam gubernationis exercent, clericos in metropolitanis, cathedralibus & aliis ecclesiis dignitates & beneficia obtinentes, & aliis ingressum & aditum suarum ecclesiarum interdicunt in diuini cultus detrimentum, & ecclesiasticæ libertatis derogationem. Ideo sacro approbante Conclio statuimus, ut nullus sæcularis dominus temporalis, cuiuscumque status aut dignitatis seu con-

<sup>ANNO CHRISTI 1473.</sup> ditionis existat, iustitiarius, rector ciuitatis, vel  
communitas, seu curam gubernationis exercens,  
vel quiuis clericus expellat vel banniat clericos su-  
pradicatos, vel venientibus aditum liberum dene-  
get, quo minus in suis ecclesiis possint deseruire.  
Si vero contra prædicta vel eorum aliquod atten-  
tatum fuerit, propter expellentium, bannientium,  
vel eam admittentium culpam, ciuitas vel villa,  
in qua contra factum fuerit, ipso facto sit interdi-  
cta; & tamdiu in ea interdictum seruetur, donec  
expulsus vel bannitus fuerit restitutus, & veniens  
admissus, & de iniuria & damnis læso plene fuerit  
satisfactum.

XXV.

Ordinum collatio gratiouse a sanctis episcopis  
est concedenda, cum præcipue ordo sit sacra-  
mentum spirituale. Præcipimus igitur vniuersis episco-  
pis nostræ prouinciæ, vt pro conferendis ordini-  
bus quibuscumque nihil penitus ante vel post, seu  
cum iidem ordines celebrant, exigant seu reci-  
piant, nec ianitores, barbitonfores & alios offi-  
ciales quidquam exigere seu leuare permittant,  
etiam pro sigillo & cera, sed gratis & liberaliter  
impendant. Notarii vero pro literis ordinum &  
reuerendis decem dumtaxat marabetinos recipere  
debeant; & si contra fecerint, quod receperint,  
duplicatum restituant sequenti Concilio applican-  
dum.

XXVI.

Ad tollendas ambiguitates, sacro approbante  
Concilio declaramus, pœnas contra beneficiatos  
indictas locum sibi etiam vindicare in obtinenti-

Concil. Tom. 34.

H ij

60 <sup>SIXTVS  
P. IV.</sup> CONCILIVM FRIDERICVS III. IMP.  
HENRICVS IV. R. CASTELLÆ.

bus parochiales ecclesias & dignitates quascumque,  
etiam maiores post pontificales.

ANNO  
CHRISTI  
1473.

XXVII.

Concedimus vniuersis episcopis nostræ prouinciæ, sacro approbante Concilio, vt a sententiis & censuris in præsentibus nostris constitutionibus latiſ & promulgatis singuli eorum in suis diœcesiſ bus, satisfactione debita præcedenti, possint & valeant innodatos absoluere; idque nos in nostra diœcesi modo prædicto facere valeamus.

XXVIII.

Rursus coepiscopis nostris in virtute obedientiæ districte iubemus, vt infra duos menses a die haurum nostrarum constitutionum præsentis publicationis immediate numerandos, ipsas teneantur in suis diœcesiſ bus in Synodis, si eas celebrauerint, alias in ecclesiis cathedralibus publicari facere. Et nihil minus in capitibus archipresbyteratus vocatis rectoribus, verum post quadraginta dies a die huiusmodi publicationis immediate computandos, volumus & decernimus, sacro approbante Concilio, vt haec nostræ constitutiones ligent, & ad sui veram obseruantiam omnes & singulos, prout in eiusdem continetur, arctent & obligent.

XXIX.

Sancitum nouimus sanctorum patrum institutis, in prouinciali Concilio per singulas metropoliſ tani & suffraganeorum diœceses synodales testes fore deputandos, qui diligenter inquirant quæ corrigenda & reformanda viderint, per eos in sequenti Concilio nuntianda. Nos vero statuta eadem sa-



ANNO  
CHRISTI  
1473. SIXTVS TOLETANVM. FRIDERICVS III. IMP.  
P. IV. HENRICVS IV. R. CASTELLÆ. 61

luberrima reputantes , sacro approbante Concilio statuimus , vt per nos & suffraganeos nostros viri prouidi , fideles & honesti deputentur vltra prouinciales testes per nos & coepiscopos nostros in Conciliis designandos , qui sine iudicali cognitione sollicito inquirant per easdem diceceses , quæ viderint corrigenda & reformanda , eaque fideliter dicecesanis denuntient , qui per promotores & procuratores suos fiscales ipsa petere , prosequi & exequi teneantur , & nihilo minus illa verbo vel scriptis in forma authentica & sub virtute iuramenti referant & denuntient , recipientes primitus ab eisdem testibus & promotoribus quod in officii prædicti executione fideliter se habebunt , corporale iuramentum . Si vero ( quod absit ) præfati testes & promotores fiscales in inuestiganda veritate eorum quæ sibi committuntur , dolo vel malitia a denuntiatione executioneque prædictis cessauerint quoquo modo , aut pœnarum prædictarum quidquam remiserint , aut super ipsis compositionem vel pactum fecerint , quo minus prædictæ constitutiones debitum fortiantur effectum , ipso facto sententiam excommunicationis incurvant , alias arbitrio Concilii puniendi . Nos præterea & nostræ prouinciæ episcopi pœnas pecuniales superius impositas a delinquentibus exigi & leuare facere , ipsasque fideli custodia sequenti Concilio referuare , præter illas quæ iuxta dispositionem prædictarum constitutionum fabricis seu synodalibus testibus applicatae sunt , quas ipsis ecclesiis & testibus integre & plenarie persolui facie-

H ii

62 SIXTVS C. TOLETANVM. FRIDERICVS III. IMP.  
P. IV. HENRICVS IV. R. CASTELLÆ.

ANNO  
CHRISTI  
1472.

mus , & facient , teneamur & teneantur. Publicatæ fuerunt hæ constitutiones in prædicto oppido de Aranda , die , mense & anno quibus supra , præsentibus ibidem reuerendis dominis Ioanne Arias episcopo Segobiensi , & Didaco de Mendoza episcopo Palentinensi , nec non Didaco Gundisalui canonico Giennensi , procuratore episcopi Giennensis , & Nunio Aluare cantore Conchensi , procuratore episcopi Conchenensis , & Ioanne Gundisalui de Auila in decretis baccalaureo , procuratore episcopi Oxomensis , & Nunio Gundisalui capellano maiori & procuratore ecclesiæ Seguntinensis ; & aliis pluribus episcopis & procuratoribus , qui huic publicationi in ecclesia sancti Ioannis eiusdem oppidi voluerunt interesse.

A. archiepiscopus Toletanus.

De mandato reuerendissimi domini mei archiepiscopi , Petrus de Ponte eiusdem domini secretarius.

#### NOTA.

\* *Concilium.*] Acta huius & quarumdam aliarum Synodorum Hispanicarum , quas supra suis locis inseruimus , ex archiuo Conchenensi exscripsit in Hispania Valerius Serenius Belga anno Domini 1565. addiditque , eadem in archiuo Toletano haberi. Qua occasione eadem ad nostras manus deuenerint , supra diuersis in locis indicaui. Synodus haec tenus , ut puto , nullibi excusam , moribusque reformatis aptissimam , nec non Hispanicæ fidei ac religionis notam & indicem , huic editioni omnino inferendam esse putau. Tu vero , lector amice , eadem vtere , fruere.

#### VITA INNOCENTII PAPÆ VIII.

ANNO  
CHRISTI  
1484.

Innocentius quando pa-  
pae electus. **I**NNOCENTIVS , antea Ioannes Baptista cognomento Cybo vocatus , patre Aarone equite aurato , sacri imperialis palatii comite , Neapolitano prorege & Ro-